


2011n migrazio-saldoa positiboa da oraindik ere Euskal AEn, %15ez hazi da

Aurreko urtean bezalaxe, Euskal AEn eta gainerako erkidegoen arteko migrazio-saldoa positiboa da.

Erkidegorako migrazio-saldo positiboa duen ondoz ondoko hamabigarren urtea dugu hau. Etorritako pertsonak joandakoak baino 14.986 gehiago izan ziren, 2010ean baino %15 gehiago, Eustaten datuen arabera.

Bizkaia 8.333 pertsona gehiago izan ditu; kopuru absolutuetan migrazio-saldorik altuena, eta 2010 urtekoaren aldean %27 gehiago. Gipuzkoa 2.949 pertsona irabazi ditu, aurreko urtean baino %15 gehiago. Araba 3.704 lagun irabazi ditu, %5eko jaitsiera 2010 urtearen aldean. Gasteizen eta Bilbon positiboak dira saldoak: 2.857 pertsona eta 2.625; Donostian, negatiboa, 385 pertsona.

1. grafikoa.- Migrazio-saldoaren bilakaera Lurralde Historikoen arabera



Iturria: EUSTAT. Euskal Aeko Migrazio-Mugimenduen Estatistika (MME)

Euskal AEren eta gainerako erkidegoen arteko mugimenduak kontuan hartuz gero, 2011. urtean 6.297koa da pertsona-saldoa, positiboa; haien arteko %92,4 atzeritarrak dira. Eustatek estatistika hau egiten duenetik laugarren aldiz jarraian gehiago izan dira beste erkidegoetatik hona etorritako pertsonak kontrako bidea egin dutenak baino; migrazio-saldoa %70,8 hazi da.

Atzerriko etorkinen migrazio-saldoa positiboa da: 8.689 pertsona; aurreko urtean baino %7 gutxiago, 653 pertsona.

Euskal biztanleen %9,2k bizileku aldaketaren bat egin du 2011. urtean zehar. Mugikortasuna %71n Euskal AE barruan izan da, eta gainerako kasuetan erkidegotik kanporakoa.

Euskal AEn, guztira, 198.972 kasutan aldatu dira ohiko bizilekuak:

- Kopuru horretatik, 92.447 kasutan udalerrian bertan aldatu dira bizilekuak.
- Erkidego barruko mugimenduak, hau da, bai jatorria, bai helmuga Euskal AEko udalerrietan dituzten mugimenduak 48.779 izan dira.
- Era berean, kanpoko edo erkidegoaz kanpoko 36.366 immigrazio gertatu dira. Jatorria gure erkidegoaz kanpoko udalerri batean eta helmuga Euskal AEn duten mugimenduak dira horiek. Haietatik, 12.708 atzerritik.
- Azkenik, kanpoko edo erkidegoaz kanpoko 21.380 migrazio gertatu dira. Jatorria gure autonomia, erkidegoko udalerri batean eta helmuga gure erkidegotik kanpora duten mugimenduak dira horiek. 4.019ren norakoa atzerria izan zen.

1. Taula. Migrazio-mugimenduen eta saldoen bilakaera. Euskal AE

Urtea	Emigrazioak		Immigrazioak		Migrazio saldoa
	Guztira	Aldakuntza Indizea (1988=100)	Guztira	Aldakuntza Indizea (1988=100)	Guztira
1988	18.103	100	8.014	100	-10.089
1992	13.668	76	9.006	112	-4.662
1995	16.130	89	11.316	141	-4.814
1999	17.291	96	16.103	201	-1.188
2000	17.462	96	20.022	250	2.560
2001	18.696	103	25.775	322	7.079
2002	19.730	109	25.967	324	6.237
2003	22.216	123	28.467	355	6.251
2004	21.304	118	30.328	378	9.024
2005	20.672	114	33.993	424	13.321
2006	22.689	125	37.147	464	14.458
2007	23.669	131	41.361	516	17.692
2008	22.389	124	39.190	489	16.801
2009	21.232	117	34.486	430	13.254
2010	21.206	117	34.234	427	13.028
2011	21.380	118	36.366	454	14.986

Iturria: EUSTAT. Euskal Aeiko Migrazio-Mugimenduen Estatistika (MME)

Euskal mugikortasun geografikoa urria da gainerako erkidegoetakoarekin alderatuz gero

Kanpoko edo erkidegoz kanpoko mugikortasunari dagokionez, 2011. urtean Euskal AEko mila biztanletik 26,6 mugitu dira (%32,9 Araban; %27,3 Bizkaian eta %22,5 Gipuzkoan); alabaina, mugikortasun hori gainerako erkidegoetakoarekin erkatuta txiki samarra da, azken hauetan mila biztanletik 40 mugitzen baitira batez beste.

Galizia da salbuespena; beste erkidego guztien kasuan, Euskal AEra datozen pertsonak gehiago dira hemendik haietara doazenak baino.

Euskal AEko emigratzaileentzat, honako **erkidego** hauek dira **erakargarrienak**, hurrenkera honetan: Madril, Gaztela eta Leon, Kantabria, Katalunia, Nafarroa eta Andaluzia. Seion artean gure erkidegotik besteetara joaten direnen %66 jasotzen dute.

Atzerriko nazionalitatea duten **inmigratioak**, 2011. urtean, 20.863 pertsona izan dira, hots, aurreko urtean baino %3,4 gehiago, 679 pertsona, gure erkidegoko sarrera guztien %57. Atzerritarren emigratioak: 5.873 pertsona, 2010ean baino 239 gehiago.

2011.ean 9.636 izan da etorkin atzerritar kopurua beste erkidegoetatik etorri dena: bi kasutatik batean baino gehiagotan, 5.349 kasutan Madril, Katalunia, Valentzia edo Andaluziatik. 3.820 pertsona atzerritar joan dira beste erkidegoetara, joandako atzerritarren %65; gainerakoak beste nazioetara.

Emigratzaileen **batez besteko adina**, 35,7 urte, handiagoa da etorkinena (32,1) baino. **Sexuari** erreparatuz gero, etorkinen %53 gizonak dira eta %47 emakumeak; emigratioetan, %52 eta %48.

Argibide gehiago nahi izanez gero:

[Euskal Estatistika Erakundea / Instituto Vasco de Estadística](#)

Donostia-San Sebastián kalea 1, 01010 Vitoria-Gasteiz.

Tel:+34-945-01 75 00 Faxa:+34-945-01 75 01 Posta elek.: eustat@eustat.es

Harremanetarako pertsona: Martín González Hernández

Tel:+34-945-01 75 49 Faxa:+34-945-01 75 01

[Euskal AEko emigrazio-mugimenduei buruzko prentsa-ohar gehiago](#)

[Euskal AEko emigrazio-mugimenduei buruzko datu-bankua](#)